

新野縣志卷之五

新野縣知縣常山徐金位纂修

人物志

新野極中州之南源起嵩山毓秀鍾靈漢晉來鄧陰
來庾諸大家勲業文章稱極盛焉若子陵之高尙黔
婁之純孝節義公主之捐軀殉難尤足勵風化光史
冊矣守土者取歷代之芳徽比類而書之若者忠孝
若者廉潔若者節堅金石若者脫然塵俗較若列眉
雖曰表揚前哲亦以風後人於無窮也作人物志

名臣

鄧

禹字仲華邑東鄉人幼遊學長安與東漢光武

相親附更始立禹不肯從及聞光武安集河北卽杖策北渡追至鄴帝見之甚驩謂曰生遠來寧欲仕乎禹曰不願也但願明公威德加於四海禹得效其尺寸垂功名於竹帛耳爲今之計莫如延攬英雄務悅民心立萬世之業拯萬民之命天下不足定也帝悅常止宿於中帝披輿圖示曰天下郡

國如是今始得其一子前言以吾而慮天下不足
定何也禹曰海內淆亂人思明君猶赤子之慕慈
母古之興者在德厚薄不以大小光武悅任使諸
將所舉皆當其才光武籌赤眉必破長安授以西
討之畧拜爲前將軍持節入關所至克捷光武卽
位拜大司徒赤眉入長安所過殘賊百姓不知所
歸禹停車駐節以勞來之名震關西諸將勸禹徑
攻長安禹不然之休兵北道就糧養士以觀其弊
二年更封梁侯赤眉西走扶風禹乃至長安謁祠

高廟收十一帝神主奉詣洛陽十三年天下平定
封高密侯禹內文明篤行淳備事母至孝有子十
三人各使守一藝修整閭門教養子孫皆可以爲
世法永平元年年五十七薨謚曰元弟寬封明親
侯顯宗乃分禹封爲三國長子震爲高密侯次襲
爲昌安侯季珍爲爰安侯少子鴻好籌策以爲小
侯與議邊計帝以爲能拜將兵長史肅宗時爲度
遼將軍與竇憲擊破敵有功徵行車騎將軍出塞
追叛逆坐逗留下獄死子訓震傳乾尙顯宗女湓

水公主拜侍中乾傳成及褒尙安帝妹無嫌
主爲少府褒傳昌拜黃門侍郎褒傳壽翁顯宗女
平臯長公主拜侍中珍傳良及弟康

鄧

晨字偉卿妻爲光武女兄嘗識光武終就大事
漢兵起晨將賓客會棘陽漢兵敗小長安諸將多
亡家屬光武單騎走遇晨妻元趣令上馬元搗曰
行矣不能相救無爲兩沒也會追兵至元及三女
皆遇害漢兵退保棘陽而新野宰乃汙晨宅焚其
塚墓宗族皆恚怒曰家自富足何故隨婦家人入

湯鑊中晨終無恨色更始立以晨爲偏將軍與光
武畧地潁川擊破王尋王邑以爲常山太守會王
郎反晨間行會光武於鉅鹿自請從擊郎鄆光武
曰偉卿以一身從我不如以一郡爲我北道主人
乃遣晨歸郡光武卽位封房子侯四年留鎮九江
晨好樂郡職由是復拜歷爲中山汝南太守所在
吏民稱之十八年徵行廷尉事定封西華侯卒諡
惠子棠嗣徙封武當侯傳罔及國及福永建初卒

縣子國除

欽王叔父仲哀帝時爲諫大夫娶光武祖母姑

左欽光武甚親敬之初從更始入關數言事不用
以病去更始敗東詣洛陽光武見欽大歡卽解衣
衣之拜大中大夫使說隗囂歸漢及囂二於漢且
忿欽質責欲殺之西州士夫以其有信義敬重之
多爲之言故得免而東歸明年復以精兵襲破囂
隴右遂安後與蓋延等進攻蜀之元安大破之公
孫述大懼使刺客刺欽未絕馳召蓋延延伏哭不
能仰視欽叱曰使者中刺客無以報國故呼巨卿

屬以軍事而反效兒女子涕泣乎延強起受誠歛
自書表薦段襄骨鯁可任乃投筆抽刃而絕帝甚
勵之贈中郎將征羌侯謚節子裒嗣傳稜爲黃門
侍郎尙顯宗女武安公主稜子歷

陰 識字次伯光烈皇后之前母兄遊學長安聞春
陵兵起委業而歸率子弟宗族賓客千餘人詣伯
升伯升以爲校尉更始元年遷偏將軍二年封陰
德侯建武初光武遣使迎陰貴人於新并徵識拜
騎都尉更封陰鄉侯明年以征伐功增封識叩頭

讓曰天下初定將帥有功者衆臣托屬掖庭仍加
爵邑不可以示天下帝甚美之至十五年定封原
鹿侯顯宗立爲皇太子以識輔導東宮帝每巡郡
國識常掌禁兵鎮守京師入雖極言正議及與賓
客語未嘗及國事所用掾吏皆簡賢者多至公卿
顯宗卽位拜執金吾位特進卒謚貞子躬嗣傳璜
璜亡無子國絕永寧初以璜弟淑紹封傳輔躬弟
子綱以女爲和帝皇后封吳房侯三子軼輔敞皆

黃門侍郎

陰

興字君陵光烈后母弟膂力過人建武二年爲

黃門侍郎守期門僕射從征伐平定郡國每從出入甚見親信雖好施接賓然門無俠客與張宗鮮於裒雖不相好然知其有用猶稱其所長而達之張汜杜禽素與厚善以爲華而少實但私之以財終不爲言是以世稱其忠平第宅苟完僅蔽風雨九年賜爵關內侯帝後召興欲封之置印綬於前興曰臣未有先登陷陣之功而一家數人並蒙爵士令天下觖望帝喜其讓從之貴人問其故興曰

亢龍有悔夫外戚家苦不知謙退富貴有極人當知足貴人感其言深自降抑卒不爲宗親求位卒謚翼子慶封鮦陽侯傳湓強侯員丹並爲郎慶讓田宅與員丹帝義之擢爲黃門侍郎慶卒子琴嗣琴卒子萬全嗣全卒子桂嗣興弟就嗣父封宣恩侯改新陽侯善談論朝臣莫及然性剛傲子豐尙光武女酈邑公主性狷急殺主被誅父母皆自殺國除

鄧 訓字平叔少有大志不好文學禹嘗非之顯宗

卽位以爲郎中樂施下士士大夫多歸之永平中
監理淳沱石白河知大功難立奏罷其役歲省費
億萬計全活徒士數千人章和二年代張紆爲護
騎校尉訓擁衛稽故令不得戰以德懷之月氏咸
歡喜聽命因出塞擊迷唐大破之燒當豪帥稽顙
歸死餘皆款塞納質遂罷屯兵訓雖寬中容衆而
於閭門甚嚴四年冬病卒吏人諸羌家爲立祠追
封平壽侯謚曰敬五子京黃門侍郎悝業侯洪西
平侯闔西華侯事母新野君以孝聞子忠以廢白

殺妻耿氏有節操養河南尹豹子爲嗣教以書學
永壽中著書東觀官至屯騎校尉長

鄧 洪隲弟和熹皇后之兄少治歐陽尙書授和帝
禁中諸儒多歸附之封侯

鄧 康珍子也少有操行兄良無後紹封夷安侯爲

越騎校尉康以太后久臨朝政宗門盛滿數上書
諫爭宜崇公室自損私權言甚切至太后不從因
謝病不朝太后遣內侍問之時宮人出入多能有
所毀譽其中耆宿稱中大夫所使者乃康家先婢

亦自通中大夫康詒曰汝我家出亦敢爾耶內倚
惠譖之太后怒遂免康官遣歸國絕屬籍安帝立
復徵爲侍中進太僕有方正稱名重朝廷加位特
進卒謚義侯

鄧 騭字昭伯少辟大將軍竇憲府以后兄累遷車
騎將軍定策立安帝封上蔡侯固辭不受受詔討
西域還拜大將軍時遭荒歉盜賊起西域侵叛騭
崇節儉能力役推進賢士列於朝廷辟楊震朱寵
陳禪置之幕府天下復安教訓子孫皆遵法度深

戒竇氏檢飭宗族閤門靜居永光元年復封爲上
蔡侯位特進時帝長多不德太后崩宮人先有受
罰者誣告鄧氏有廢立謀帝聽之廢鄧氏侯爲庶
人騭僅以不與謀徙羅侯悉遣歸故郡沒入其貲
產騭及子鳳俱不食死鄧氏子弟自殺者五人於
是大司農朱寵訟騭寃言甚切至帝悟詔諸從昆
弟歸京師順帝卽位復爵秩鄧氏自中興後累世
寵貴侯二十九公二大將軍以下十三中二千石
千石二千石二十二州牧郡守四十有八自餘侍中

將大夫郎謁者不可勝數東京莫與爲比

來

歷字伯珍少襲爵以公主子爲侍郎延光初累

遷執金吾太僕侍中常侍樊豐與大將軍耿寶侍

中周廣等譏陷太尉楊震歷以傷害忠良絕不與

交時王聖等譏搆太子被廢歷累明其無辜獨守

闕連日不肯去坐免官會帝崩順帝卽位朝廷皆

稱歷社稷臣拜車騎將軍官至大鴻臚卒子定嗣

尙安帝妹平氏公主順帝時爲虎賁中郎將傳子

虎桓帝時爲屯騎校尉弟豔字季德少好學下士

開館養徒少歷顯位靈帝時再遷司空

樊

華字仲華光武微時以事拘新野華爲市吏餽

餌一笥光武德之及卽位徵爲侍御史遷河東都

尉帝笑謂曰一笥餅易一都尉何如華頓首謝及

至郡誅大姓屏盜賊吏人畏之遷揚州牧教民耕

田種樹理家之術視事十餘年坐法左轉軹長隗

囂滅後隴右不安乃拜華天水太守政嚴猛奸申

韓法善惡立斷人犯其禁率不得生民歌曰寧見乳

虎穴不入冀府寺大笑期必死忿怒或見置嗟我